

**KJKP "RAD" d.o.o. SARAJEVO**

- v.d. Direktorica -

**Broj: 05-03-04-\_\_\_\_\_/21**

**Sarajevo, 20.04.2021. godine**

Na osnovu člana 70. Zakona o javnim nabavkama BiH („Službeni glasnik BiH“, broj 39/14) i člana 47. Statuta KJKP "RAD" d.o.o. Sarajevo, v.d. direktorica Vera Arnautović donosi:

**O D L U K U**  
**o izboru najpovoljnijeg ponuđača**

**I**

Najpovoljniji ponuđača za javnu nabavku usluge tehničkog pregleda i izdavanja licence je ponuđač **AUTOCENTAR BH d.o.o. Sarajevo**.

**II**

Odluka stupa na snagu danom donošenja.

**O B R A Z L O Ž E N J E**

KJKP "RAD" d.o.o. Sarajevo je dana 04.12.2020. godine na web stranici preduzeća objavio postupak javne nabavke usluga putem Aneksa II dio B Zakona o javnim nabavkama BiH i to za izbor najpovoljnijeg ponuđača za javnu nabavku usluge tehničkog pregleda i izdavanja licence, sa rokom dostave ponuda 21.12.2020. godine.

Po predmetnom postupku broj protokola: 20118/20 od 04.12.2020. godine pristigle su 3 (tri) ponude i to ponude firmi:

- **AUTOCENTAR BH d.o.o. Sarajevo**, koji je ponudio cijenu u iznosu od: 37.204,19 KM bez PDV-a, bez popusta i rok izvršenja usluga od 25 minuta.
- **CENTROTRANS-EUROLINES d.d. Sarajevo**, koji je ponudio cijenu u iznosu od: 37.171,02 KM bez PDV-a i popust od: 14.496,70 KM, te ukupna cijena ponuđača sa ponuđenim popustom bez PDV-a iznosi: 22.674,22 KM, dok je ponuđeni rok izvršenja usluga od 60 minuta.
- **OSING d.o.o. Sarajevo**, koji je ponudio cijenu u iznosu od: 38.659,32 KM bez PDV-a, bez popusta i rok izvršenja usluga od 60 minuta.

Postupajući u skladu sa Rješenjem Ureda za razmatranje žalbi BIH broj: JN2-03-07-1-674-10/21 od dana 14.04.2021. godine, Komisija za javnu nabavku je ponovno pristupila detaljnom pregledu dostavljene dokumentacije, te je uz uvažavanje stavova URŽ-a utvrdila sljedeće:

- Ponuđač **AUTOCENTAR BH d.o.o. Sarajevo** je dostavio svu potrebnu dokumentaciju i ponudio cijenu nabavke predmetnih usluga u iznosu od: **37.204,19 KM** bez PDV-a i rokom izvršenja usluga od 25 minuta. U skladu sa Rješenjem URŽ-a BIH broj: JN2-03-07-1-41-12/21 od dana 18.02.2021. godine, Komisija za javne nabavke je izvršila ponovni uvid u jedinične cijene koje su iskazane u tehničkoj specifikaciji ( stranice ponude od 4 do

10), te je ustanovljeno da su jedinične cijene u skladu sa Pravilnikom o tehničkom pregledu vozila („Službeni glasnik BIH“ broj: 33/19).  
Ponuda je ocijenjena kao **potpuna i prihvatljiva**.

- Ponuda ponuđača **CENTROTRANS-EUROLINES d.d. Sarajevo** ocijenjena je od strane Ureda za razmatranje žalbi BIH i to putem Rješenja broj: JN2-03-07-1-674-10/21 od dana 14.04.2021. godine kao **neprihvatljiva**. Naime Ureda za razmatranje žalbi BIH smatra da ponuđač nije dokazao da je ponuđena cijena realna i u konačnici usklađena sa propisima iz predmetne oblasti, te da će po iskazanoj cijeni biti u mogućnosti izvršiti uslugu koju nudi, jer nije ponudio adekvatne i potpune razloge o odlučnim činjenicama.  
Ponuda je ocijenjena kao **neprihvatljiva**.
- Ponuđač **OSING d.o.o. Sarajevo** je dostavio Potvrdu Obavještajno-sigurnosne agencije BIH broj: 07-19657/20 od dana 02.06.2020. godine iz koje je Komisija ustanovila da je predmet nabavke **registracija motornih vozila**, a što je u suprotnosti sa tačkom 10 (a) tenderske dokumentacije u kojoj je decidno navedeno da referenc lista i potvrda moraju biti u vezi sa predmetom nabavke. Nadalje Potvrde Javnog preduzeća željeznice FBiH broj: 1-9127-1/2020 od dana 01.06.2020. godine, Javnog preduzeća Šume TK broj: 5267/20 od dana 05.06.2020. godine, Grada Zenice broj: 11-45-9990/20 od dana 03.06.2020. godine i Općine Kladanj broj: 02-11-970/20 od dana 08.05.2020. godine **nisu srazmjerne predmetu nabavke niti pojedinačno niti zbirno**, a što je u suprotnosti sa tačkom 10 (a) tenderske dokumentacije u kojoj je decidno navedeno da referenc lista i potvrde druge strane moraju biti srazmjerne predmetu nabavke.  
Ponuda je ocijenjena kao **nepotpuna i neprihvatljiva**.

Shodno naprijed navedenom Komisija za javne nabavke uvažavajući stavove Ureda za razmatranje žalbi BIH iz Rješenja broj: JN2-03-07-1-674-10/21 od dana 14.04.2021. godine daje preporuku odgovornom licu Ugovornog organa da prihvati ponudu ponuđača **AUTOCENTAR BH d.o.o. Sarajevo**, a koja je potpuna i prihvatljiva, te je ponuđač ponudio cijenu u iznosu od: 37.204,19 KM bez PDV-a i rok izvršenja usluga od 25 minuta.

Shodno naprijed navedenom, prihvatam preporuku Komisije za javne nabavke i donosim odluku kao u dispozitivu.

**Pouka o pravnom lijeku:** Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 5 (pet) dana od dana prijema ove Odluke.

**KJKP „RAD“ d.o.o. Sarajevo**  
**v.d. Direktorica**

---

Vera Arnautović, dipl.pravnik

**DOSTAVITI:**

- Ponuđačima;
- A/a;